
Oyo

Mwanakazi

Jezebele

aa

Muf. William Marrion Branham

Oyo Mwanakazi Jezebele

I KUTAPATILA

Ciyubunuzyo 2:20, “Nekuba boobo Ndi jisi milandu imwi kuli nduwe, wa mu zumizya (kulekela) oyo mwanakazi Jezebele, uu lyaamba kuti ndi musinsimi, aa kwiisya alimwi a kukwela kwela bazike bangu kucita bumambi, alimwi a kulya zintu zipaizigwa ku mizimu.”

Lino antoomwe a kampango aako Ndi yanda nywebo mu selemukile ku kampango 23 a kubona i cizibyo ca lusinizyo lupati ndo Nda li kuleta ku kumvwa kwanu kuzwa kuu matalikilo. “Abalo bana bakwe Njo oba jaya a lufu; kuti mabungano oonse aka zibe kuti Ndime Oyo uu li ngula i mu camba a mu moyo.” Nda li kwaamba nkonya kuzwa ku matalikilo kuti cancobeni kazili imbungano zyobile, nikuba kuti Muuya ulaamba ku zibili kwa zyo mu bukalo abukalo, mbuli kuteeti zya kali mbuli *yomwe*. Awa ci lambidwe caa ntangalala kuti kuli ma *mbungano*, alimwi ci laamba mbubonya mbuli caa tangalala i kuti amwi mabungano eezyo ca kutodezya kupati ta ZIZI kuti Ngo Nguwe Oyo uu li ngula zyamba alimwi a myoyo. Uyo tondezya kuli i nzi zyo kuti ci li boobo. Lino nkabela, ino mabungano nzi ayo ata ka zibi obu bwini? Mu bwiini ni nkaamu ya musaansa mubeji nkaambo basyomi bakasimpe ca ncobeni bayoziba i kuti i lubeta litalikila ku ng’anda ya Leza, alimwi balo mbobali bayoowa-Leza, bala libeteka beni kutegwa balo bata betekwi.

Lino nkaambo nzi Leza nca ita mabungano aya kuteeti mabungano Aakwe nokuba kuti nga musaansa mu beji? I Lusinizyo i lwa makani ndwa kuti nzya Banakristo. Pele ta zi li Banakristo i ba Muuya. Nzya Banakristo i ba ku nyama. Zili yumwide i Zina mu buyo. Marko 7:7, “Nokuba boobo ku ndi komba kwabo nkwa buyo, nkaambo zifundo nzibafunda nji milazyo ya bantu.” Pele ni ncobeni nzya Banakristo nkaambo

mbumbi buti mbo zikonzya kuba? Muna Muhammedi ngu muna Muhammedi. Obo mbo bukombi bwakwe tacikwe makani mbwaponi kuli mbubo nkaambo ulazumina ku kasimpe mu lwiiyo lwa zyaleza kuli eeco Korani ncoiisya. Mu inzila nji yonya i Munakristo ngu Munakristo kufumbwa kuti ula zumina ku kasimpe i kuti Jesu ngo Mwana aa Leza, wa kazyalwa kwa nakalindu, waka bambulwa alimwi wakafwa alimwi waka buka lwabili, kuti Ngo Mufutuli we mukowa wa bantu, azimwi. *(Mu kasimpe, mu Bukkaloo bwa Laodikeya ku yoo ba baabo baliita Lwabo kuti Banakritso nkaambo bala zumina i ku bube bubotu bwa Jesu, kumwi kaba yobola kuli lwabo nguzu zya kukaka Buleza Bwakwe. Christian Scientists bacita kale eco antoomwe a makamu manji ayo akambauka Makani mabotu aa Lumvwanoo).* Ngo Munakristo ku zina biyo alimwi uzu lilwa ku mbungano. Pele Ta li musyomi wa ku Muuya na WABWINI. Oyo ngo musyobo wa musyomi ngu mwi ooyo waa ka bapatizigwa i mu mubili wa Kristo alimwi uli ncizo Cakwe. Pele nokuba, ci li mu ncililano ya Leza kuti i insaku zikule antoomwe a maila alimwi ta zyeedelede ku nonkolwa pe. Oko i nku lailila kwa Leza. Buzuba bwazyo bwakwaangwa alimwi a kuumpwa bulaa boola; pele tabuna pee.

A boobo i Muuya ulaa mbaula ku nkamu iisangene. Ku lubazu lumwi Uli mu kulumbaizya, alimwi kuli lumbi Uli mu ku tapatila. Wa amba eco ciluleme antoomwe a Musyomi i wa kasimpe. Lino Ula cejezya eco musaansa mu beji ncoelede kucita ikuti na uleedelede kwiima caku lulama kumbele lya Mwami.

OYO MWANAKAZI JEZEBELE

Mu Apostolo Jakobo waka tutondezya mukondo oyo cibi ncoutolo. Jakobo 1:14-15, “Pele muntu oonse ula tepaulwa na ale nga widwa a koongwa ku zisusi, zyakwe mwini. Eno zisusi zya mita buyo, zila zyala i zibi, a zyalo zibi zya komena, zila tumbuka lufu.” Lino eco nce cifwanikiso ca ncobeni cili mu ku citika mu makkalo aa mbungano. Mbuli cibi mbu caka talika pele mu kulimvwa, mbu bonya lufu ku mbungano lwa ka

talika a milimo, miteete yaka zibwa kusyoonto yaba Nikolai. Kuzwa i ku milimo ca kainka ku njiisyo. Kuzwa ku njiyo ca ka njila nguzu zya cisi a ku zibya kwa buhedeni. Lino mu bukkalo obu cila inka ku musinsimi mwanakazi waco (mwiiyi) aboobo cila zumanana kweenda kusikila ci ka lijane i mu ziba lya mulilo, nkaambo eco ngo ca ncobeni ku busena nku ci yoo golela, i mu lufu lwabili.

Lino kulila koonse kwa Leza ku lwisya bukkalo obu bwane kujanwa mu ku sampaula Kwakwe oyu mwanakazi musinsmi, Jezebele. Alimwi kuu mwisya ncobeni kaambo Nca mu sampwida boobu, tu leelede kulanga langa makani akwe aakale mu Bbaibbele alimwi twa jana eco ncaa ka cita kaindi kuya, tu la ziba eco cili mu kucitika kuciindi ecino.

Cintu citanzi alimwi cipati loko eco nco twiyya kuja tikizya zya Jezebele nca kuti TALI i mwana musimbi wa Abrahamu pe, naanka kuzibisigwa kwakwe mu misyobo ya Israyeli kwa kali kuzumizigwa kwa kumuuya mbuli kwaali kwa Rute, muna Moabu. Peepe munene. Oyo mwanakazi wa kali mwana musimbi wa Etibaala, mwami wa Sidoni (Bataanzi Bami 16:13), waa ka li mupaizi ku Astarte. Wa kajana cuuno ca bwami kwiinda mu kujaya ngwakali kutobela, Felesi. Aboobo tu la bona mpawo i kuti waa kali mwana musimbi wa mujayi. (Eci ca ncobeni cituyeezya kwa Kaini.) Alimwi obo mbwaa kaba cibeela ca Israyeli tee ya kali kwiinda ku inzila zya Leza ezyo nzya ka salilide kuzumizigwa kwa Bamasi; pele wa ka njilila mu LUKWATANO kuli Ahabu, i mwami wa misyobo iili kkumi ya Israeli. Lino olu lukamantano mbuli mbu twa lubona tee lwali lwa Kumuuya; lwa kali lwatunzenyu. Alimwi oyu mwanakazi oyo wa ka zwide mu bukombi bwa mituni taakwe naaka jisi kuyanda nikuweya kwa kuba mukombi wa Leza Omwe wa bwini, pele kwalo waka boola a makanze aa konkedwe aku nyona Israyeli kuzwa ku Mwami. Lino Israyeli (i misyobo iili kkumi) ya kazi kale eco nco ca kali kwaamba ku komba boombe bangolide, pesi tii ba kali na kwaabwa kuli zyamituni, nkaambo Leza wakali kukombwa a mulao wa Musa

wakali kuzuminwa. Pele kuzwa ciindi ca lukwatano lwa Ahabu kuli Jezebele, zyamituni zya kayambebe mu cilengwa cibyabi. Cakali ciindi mwanakazi oyu naa kaba mupaizi i mu tempepe elyo wa ka yakila Astarte (Venasi) a Baala (leza zuba) ca kuti Israyeli ya ka boola ku ciimo ca ntenda ya buumi bwakwe.

Antoomwe aceeci mu muzeezo inga twa konzya ino ku talika kubona eco i Muuya wa Leza nculi mukubamba mu Bukkalo obu bwa Tuataira. Nceeci mbo cibede.

Ahabu wa kakwata Jezebele alimwi waka cicita ca mancejela a tunzenyu kukuyumya bwami bwakwe aku bukwabilila. Eco ncobeni mbungano nce ya ka cita neyaka kwatwa kuli Costantine. Boonse bobile bakaswangana ku twaambo twa tunzenyu, nekubakuti baka bikka bube bwakwe kumuuya kuli mbubo. Lino taakwe i muntu uukonzya kundi lamya kuti Constantine wakali Munakristo. Wa kali muhedeni antoomwe aceeco cakalikuboneka mbuli tooze twa Munakristo. Wa kalamba ziingano a mubala uutuba aantobo zya basikalumamba. Ngwa ka li sikutalisya i kwa Knights of Columbus. Wa kabikka ciingano aa ngazi ya cikombelo ca Mus. Sophia muku cita kutalika kansiyaniya.

Wa kali muyeeyo wa Constantine kuswaanganya muntu oonse, i bahedeni, Banakristo kuzinabiyo a Banakristo babwini. Alimwi kwa kaindi kasyonto ca ka langika mbuli kuti inga uu yoo zwidilila nkaambo i basyoma beni baka boola ooko ku bona kuti na inga bajosya abo iba ka zwide kuzwa ku Ijwi. Ciindi ni ba kabona kuti tiiba kali kukonzya ku bajosya mu lusinizyo, baka sungilizigwa kuu zanduka i kuzwa ku tunzenyu twa nkamu. Nkabela niba ka cita, baka tegwa mba sikukazya a kupezegwa.

Anda ambe awa mpoonya kuti tu la i cintu nci conya ci li mu ku citika ino. I bantu boonse bali mukuboola antomwe. Ba li muku lemba i Bbaibbele elyo liyoo yelela muntu oonse naba Mujuda, Munakatolika, nanka Munaprotestanti. Ba li jisi nkamu ya Nicene Council yabo pele baita kuti Ecumenical Council.

Alimwi sa mulizi oyu tubunga toonse ootu ngutu lwana? Ba lwana bana Pentekoste babwini. Ta ndaambi i kabunga ka tegwa Pentekostolo. Nda amba abo ba li i mbana Pentekostolo nkaambo ba zwide Muuya Uusalala alimwi ba la zitondezyo alimwi ba li jisi zipego aa kati kabo nkaambo beenda mu bwini.

Ciindi Ahabu naakakwata Jezebele nkaambo katunzenyu wa ka sambala bupati bwakwe. Wa li swaanganya antomwe a kabunga elyo waa sambala bupati bwako, mukwesu, na ula ya nda ku cisyoma na pe. Yoonse nkamu ya Protestanti eyo yakazwa alimwi mpawo ya ka jokela zyakasambala bupati bwazyo, alimwi ciindi yebo wasambala bupati bwako, uli buyo mbuli Esau — yebo inga walila a kweempwa koonse nko yanda, pele yebo ta ku kooku gwasya nekuceya. Kuli biyo cintu comwe nco nga yebo wa cita alimwi nku ti, “A mu zwee kwakwe, nobantu bangu, a kuleka kuba caabilo cazibi zyakwe!” Lino na to yeeya kuti ndi li luleme, ingula buyo mubuzyo oyu omwe. Sena kuli muntu muumi unga wa ndaambila kufumbwa mbungano na kufumbwa mulimo wa Leza wakali a lubukulusyoyo alimwi waka jokela ni wa ka mana ku njila kabunga alimwi a kuba kabungwe? Amubale makani anu aakale. Ta muko ijana yomwe—taakwe naba yomwe.

Ca kali i ciindi cakatikamasiku ca Israyeli ciindi ni yaka sangana a nyika aa kusiya zya kumuuya nkaambo i kaatunzenyu. Ca kali i ciindi cakatikamasiku ku Nicaea cindi i mbungano niya ka cita cintu nciconya. Ngo ciindi i cakatikamasiku ino kuti i mabungano ali mu ku swaangana.

Lino ciindi Ahabu naa ka kwata Jezebele wa ka mu zumizya kubweza mali aacisi a kuyaka maanda obilo mapati aa kukombela akwa Astarte a Baala. Eyo ya ka yakilwa Baala yakali mpati kwa ba Israyeli ku boola alimwi a ku zoo kombela nkuko. Alimwi cindi Constantine alimwi a mbungano nizya ka kwatana wa kapa mbungano mayake, alimwi akuyaka zipaililo alimwi a zikozyano, alimwi a kupanga kabuunga ka zyuuno aako kakali kupangika kale.

Ciindi Jezebele naka jana nguzu zya cisi kunze lyakwe wa ka sungilizya bukombi bwakwe ku bantu a ku jaya basinsimi abapaizi ba Leza. Ca ka bija loko cakuti Eliya, i mutumwa ku buzuba bwakwe, wakayeeya kuti wakali buyo omwe luzutu wakasyede; pele Leza wa kali jisi 7000 a bamwi abo bakata fugaminide Baala. Alimwi mpawo ano okuya akati ka tubungwe oto twa Baptisti, Methodisti, Presbytaria, atumwi., nku bali bamwi ba yoo zwa alimwi a ku jokela kuli Leza. Ndi yanda i kuti mu zibe ta ndi li, ino, alimwi ta ndina i ku lwana bantu. I kalo ngo kabungwe — ciyanza ca kabunga eco nci ndi li mukulwisya. Nde elede i ku ci lwisya nkaambo Leza uli cisulide.

Lino a twiime buyo kaindi kaniini awa kuyeeya eco nce twa tondezya kuja tikizya ku komba i mu Tuatira. Nda amba kuti ba kakomba Apollo (oyo wa kali leza zuba) atoomwe a mwami. Lino oyu Apollo waa kali kwiitwa kuti 'sikulesya i bubu.' Wa kali kutanda bubu kuzwa ku bantu. Wa ka ba longezya alimwi wakali leza ncobeni kuli mbabo. Wa kee lede ku yiisya i bantu. Wa kapandulula kujatikizya kukomba, mapobwe a mutempele, milimo ku tuleza, kujatikizya zituuzyo a lufu alimwi abuumi kwamana lufu. Inzila mbaakacita eci yakali kwiinda mu mwanakazi musinsimi oyu waka kkede kazwide lugambo aa cuuno camauluotatwe. Ma! Sa mwaci bona na? Ngooyu oyo mwanakazi musinsimi uutegwa Jezebele alimwi uli mu ku kwiisya bantu. Alimwi kwiisya kwakwe kuli mu kucenga bazike ba Leza alimwi a ku bapa kucita bwaamu. Lino bwaamu caamba 'kukomba mituni.' Obu mbo bu panduluzi bwabo bwa kumuuya. Ndu swaanano lutali lwa mulao. Lu swaanano lwa Ahabu alu swaanano lwa Constantine loonse tilwakali lwamulao. Boonse bakacita bwaamu bwakumuuya. Sibwaamu oonse uu yo li jana mu ziba lya mulilo. Leza wakaamba obo.

Lino nkabela, i kwiisya kwa Mbungano ya Katolika (i mbungano ni nzyazi, ii ngo mwanakazi) ilakaka i Ijwi lya Leza. I Pope uu li ncobeni ngo Apollo mu ciimo ca sunu wa yiisya i

bantu ku li swanganya ku mituni. I Mbungano ya ba Roma ngo mwanakazi musinsimi mu beji kuu bantu nkaambo wa gwiisya i Ijwi lya Leza kuzwa i ku bantu a kupa mizeezo yakwe mwini mbuli ceeco ci banga lujatilo lwa zibi, eco cileta i zilongezyo zya Leza; alimwi i bapaizi ba sakana kupati mbuli kwaamba bwini ku maninide kuti bala nguzu kutali buyo mu buumi pele mu lufu. Ba la yiisya lwabo beni kuti kuli busena bwa mafwabi, pele tokonzyi ku ci jana eco mu Ijwi. Ba la yiisya kuti mipailo amilalilo amali ziyoomugwiisya kuzwa mu busena bwa mafwabi kuya ku julu. I cilengwa coonse ci li aa ku yiisya kwaco mbu beji. Ta ci kkede atala aa ntalisyo i ini ya ciyubunuzyo ca Leza mu ijwi Lyakwe pele cili atala aa misenga, iisukana, ibbila ya lweeno lwayo lu byaabi.

I mbungano yakazwa mpawo kuzwa ku kabunga kusika ku kabungwe aboobo ku kwiisya kwabu beji. Eco cili luleme. I Banakatolika bana Roma taba syomi kuti Leza uli mu Ijwi Lyakwe. Peepe munene. Ni bali ku syoma niba keempwa a kwiiminina kuti mbwini, pele baamba kuti Leza uuli mu mbungano Yakwe. Eco ni ca kapanga Bbaibbele makani aakale aa Mbungano ya Katolika. Eco tacili boobo. Amulange ncebakacita ku lubapatizyo lwa maanzi alu likke. Ba ka lu gwisya kuzwa kukuba Lubapatizyo lwa Bunakristo aku lu bamba bwa buhedeni bwaa bubande. Andi mwaambile kujatikizya luzibo ndu Nda ka jisi antoomwe a mupaizi wa Katolika. Musimbi ngu Nda ka bapatizize ku ciindi cimwi wakaba muna Katolika, aboobo mupaizi wakali kuyanda ku ndi buza kujatikizya nguwe. Wa kabuzya musyobo oyo wa lubapatizyo ndwa kacita. Nda ka mwaambila kuti Nda ka mubapatizya mu Lubapatizyo lwa Munakristo olo ngu musyobo ulikko ku luzibo lwangu. Nda ka mu zikka mu maanzi i mu Zina i lya Mwami Jesu Kristo. I mupaizi wakaamba kuli ndime kuti ku ciindi cimwi Mbungano ya Katolika yakacita obo. Mpoonya buyo Nda kamubuzya ciindi Mbungano ya Katolika niya kacita aboobo, nkaambo nda kabala makani

aa kale aano alimwi tii Nda ka jana eco nca kaamba. Wa kandaambila kuti ca kali ku janwa i mu Bbaibbele, alimwi kuti Jesu ngwaaka bunganya Mbungano ya Katolika. Nda ka mubuzya ikuti na wakali kuyeeya kuteeti Petro waakali ncobeni pope mutanzi. Wa kaamba cakusinizya kuti Petro mbwakabede. Nda ka mu buzya i kuti na milalilo ya kali kwaambwa mu ci Latini muu ku tegwa inga itaka cinci. Wa kaamba kuti obo bwakali bwini. Nda ka mwambila kuti Nda ka likuyeeya kuti baka tuntulika kuzwa kuli eco nco ba ka jisi ku matalikilo. Nda ka muzibya kuti na Mbungano ya Katolika yakali ku syoma ncobeni Bbuku lya Incito, nkokuti Nda kali muna Katolika wacyianza cakale. Wa ka ndaambila kuti i Bbaibbele lya kali bulunguuzi bwa Mbungano ya Katolika a kuteeti Leza wakali mu mbungano. Tii Nda kazuminana a nguwe nkaambo Leza uuli mu Ijwi Lyakwe. Amuleke Leza abe bwini pesi muntu oonse abe mu beji. Ikuti na wagwiisya nanka ku yungizya ku Bbuku elyo, Leza wa ka syomezya kuti Uyoo yungizya zipezyo kuli baabo ba yungizya a ku gwisya cibeela cabo kuzwa i ku Bbuku lya Buumi nabalipa caamba cakugwisya kuzwa kuli ndilyo. Ciyubunuzyo 22:18,19.

Andi mutondezye buyo obo Mbungano ya Katolika ya bana Roma mboisyoma kuti Leza uuli mu mbungano mu cibaka ca Ijwi. Nkaaka kubalo ka cibeela kuzwa ku bbuuku lya Pope John wa 23. “Luzibo lwangu mu ciindi camyaka eyi yotatwe kandli pope, kuuzwa ‘mu kuyooowa aku kankama’ Nda zumina mulimo oyu mu kuswiilila kusalala *ku Luyando lwa Mwami, lwakatambikwa kuli ndime kwiinda ku Kkoleki Isetekene yama Cardinalo ya mukampetu*, ndi pa bumboni i ku kwaamba oku alimwi nkaambo keenda kakkala kuli ndime kuba bwini kuli nkako; kusyoma kumaninide muli Leza, mu li zyoonse zijatikizya zya sunu, alimwi butontozi bu ja tikizya zya kumbele.” Oyo pope waamba kuti Leza wakaamba kwiinda mu mbungano kuyubununa Luyando lwakwe. Mbu beji. Leza uli mu Ijwi Lyakwe alimwi uu laamba ku Ijwi kuyubununa

Luyando Lwakwe. Wa kaamba akwalo kuti wa ka bikka kusyoma ku maninide mu ijwi lya bantu alimwi kuswiilila antoomwe a butontozi. Ci mvwika kabotu loko pesi nca bu beji loko. Mbuli buyo lusandulo sandulo lwa mu Muunda wa Edeni.

Lino a tusike awa ku Ciyubunuzyo 17 a kubona mwanakazi oyu, imbungano eyo, iiponena aa zisinsime zya bu beji aku tali a Ijwi lya Leza. Mu kampango 1 Leza uu mwiita kuti sikuvuula mupati. Nkaambo nzi nca li sikuvuula? Nkambo uli mu bukombi bwamituni. Wa cega i bantu mu cintu i nci conya buya. Ino ncinzi cisilisyo cabukombi bwamituni? I Ijwi lya Leza. Aboobo oyu mukaintu i ngu sikuvuula nkambo wa ka siya Ijwi. Awo uli kkede aatala lya maanzi manji, ayo aamba makamu aa bantu. Eci cili nconzyo kuti yeelela kuba mbungano ya bu beji nkaambo mbungano ya Leza ni syoonto — ba yooba bace abo bai jana.

A mu zibe obo mba bedede mu meso aa Leza, taakwe makani obo mbwa langika kabotu ku bantu a obo mbwata mbulwa ca buyumu aku mvwika. Uuli koledwe caku sofwala mu bwaamu bwakwe. Lino wa ka kolwa bulowa bwa baka jailwa lusyomo bwabo. Mbuli biyo Jezebele waka jaya basinsimi a bapaizi ba Leza aa ku nyonyona i bantu abo baka takotamina alimwi aku komba Baala. Alimwi eco cili mbubonya eco Mbungano ya Katolika nceyakacita. Ba ka jaya abo bata kali kunga taba kotami ku bweendelezi bwa bupopu. Aabo bakali kuyanda i Ijwi lya Leza mu cibaka ca majwi aa bantu ba ka jaigwa, kunji mu nzila zyalunya. Pele mbungano eyi ibeleka mu lufu yakali fwide lwayo alimwi teiya ka cizi pe. Kwa ka nyina buumi muli njiyo alimwi takwe zitondezyo zya kasola kwiitobela.

CIINDI CA KWEEMPWE

Ciyubunuzyo 2:21, “Alimwi Nda ka mupa ciindi ca kweempwa nkaambo ka bwaamu bwakwe; alimwi ta keempwa pe.” Sa mu lizi na kuti eyi mbungano ya kali mbi loko kwinda Ahabu? Sa mu lizi na kuti wa keempa kwa kaindi kaniini alimwi wakeenda cabubombe kumbele lya Leza? Tokonzyi

inga kwaamba i oko kwa Mbungano ya Katolika yabana Roma. Peepe munene. Ta ina kweempa pele ya nyonyona ca ku tamvwa kutamba a boonse ba sola ku mugwasya kweempwa. Ayo makani aakale. Lino Leza taaka zumanana buyo ku busya batumwa ku bukkalo abukkalopele. Wa ka busya bagwasyi bamwi babotu kuli baabo batumwa. Wa kapa bukkalo abukkalopele bantu bamwi babotu iba Leza alimwi baka cita cintu coonse nce baka konzya kujosya i mbungano kuli Leza. Leza cancobeni waka mupa cindi calugwasyo lwa kweempwa. Sa kuli na keempwa akutondezya kuti wakacita kwiinda ku micelo yakwe? Peepe munene. Ta na alimwi taakwe nayoo ci cita. Uu li koledwe. Wa ka sweekelwa mizeezo yakwe mu zintu zyakumuuya.

Lino mutanyongani akutalika kuyeeya kuti Mbungano yakwa Rome ya keempwa kukujaya kwayo kwa basalala nkaambo uli mu kusola kukamantanya antoomwe abana Protestanti kwinda mu kupanga tuyanza twakwe kuti tuzuminane antoomwe a Tuyanza twabana Protestanti. Ta inasola noluba lumwi kuli lekelela a kwaamba kuti yakali lubide kubujayi bwayo bwa bantu banji. Alimwi takukwe niyoocita obo. Alimwi taakwe makani obo mbii boneka kabotu a kweebeka ku ciindi ecino cigama, i yoo buka lubo ku jaya, nkaambo bujayi bulede mu moyo wakwe uuteempwi a mubi.

CISUBULO CA SIKUVUULA CAAMBWA

Ciyubunuzyo 2:22-23, “A mu bone Njo mu waala ku bulo, alimwi a baabo basimamambe nyina njooba nji zya mu mapenzi mapati, cita kuti beempwe ku milimo yabo. Alimwi balo bana bakwe Njo bajaya a lufu; alimwi i kuti mabungano oonse aka zibe kuteeti Ndime Oyo uulingula mu camba amu moyo, alimwi nkabela umwi aumwi wanu njo mwaabila mbu bonya mbwiibede milimo yakwe.”

Ninzi? Oyo mukaitu ula bana? Alimwi oyu ngu sikuvuula? I kuti na ako nke kaambo kuti wa kali a bana kwiinda ku buvuule bwakwe nko kuti weelede kuumpwa aa mulilo mbuli i Ijwi mbu lyaamba. Eci mbwini ca ncobeni. Eci nge

mamanino ayo nkaambo uu yoo umpwa aa mulilo. Mamanino aakwe i ndi ziba lya mulilo. Pele amwiime aku yeeya kujatikizya bana abo kwa kaindi kaniini. I mukaintu ngu mwi omo mu zwa bana. Ci la tondezegwa kuti oyu mukaintu wa kali abana abo ba kazwa muli nguwe pele bakatalika ku cita cintu nciconya ncaaka cita. Amu ndi tondezye mbungano yomwe eyo ya ka zwa mu kabungwe yaka ta jokela mu monya muli nkako. Kwiina noiba yomwe. Taakwe yomwe. I bana Lutha bakazwa alimwi mpawo bakaba kabungwe kujokela mumonyo alimwi sunu balijatene mumaanza antoomwe a nkaamu eyi ya ecumenical. I bana Methodisti bakazwa alimwi bakaba kabungwe ka jokela mu monya. I baana Pentekoste bakazwa alimwi bakaba kabungwe ku jokela mu monya. Ku ya ku ba kuzwa iku mbi lubo, alimwi alumbwe Leza ta baka bunganyi ku jokela nkaambo ba lizi i bwiini. Eyo nkamu inooli i nabwiinga wa buzuba i bwa mamanino.

Lino lyaamba kuti awa sikuvuula oyo wa kali a bana. Lino ba kali nzi? Bakali bana basimbi, nkaambo ba kali mabungano mbubonya mbuli nguwe. Lino nkaaka i kaambo ka bo telezya loko. Jezebele a Ahabu bakajisi mwana musimbi. Oyo mwana musimbi wa kakwata Joram muwana mulombe wa Josafati a mu Babili Bami 8:16 lyaamba i kuti “Joram waa keenda mu nzila zya wisi-zya-la.” Wa kanjila mumonya mu bukombi bwamituni kwiindamu lukwatano olu. Wa ka njizya Juda wa kali kuyoowa-Leza akukomba-Leza mu bukombi bwamituni. Eco cili mbubonya oonse aya mabungano aali mbana basimbi ncaakacita, a kwalo mbuli mbu nda ka mu tondekela. Ba la talika mu bwini a kukwata mu kabunga akusiya Ijwi nkaambo katunsiya, atuyaniza a zimwi. Lino amu ndileke ndicilete eci koonse. Mu Bahebrayo 13:7 lyaamba kuti, “A mu ba swiilile abo basolozzi banu abo ba kaamba kuli ndinywe Ijwi lya Leza.” Ndi Ijwi li twee ndelezya swebo, kutali bantu. Lino i mwaalumi mbuli mulumi ngo nguwe i mutwe wa mwanakazi. Ula mwee ndelezya. Pele mbungano ngo nguwe i mwanakazi, ayalo,

alimwi musolozzi wayo ngu Ijwi. Jesu ngo nguwe i Ijwi. I kuti wa kaka Ijwi a ku bweza ku fumbwa bweendelezi bumbi ngu simamambi. Lino a mu ndambile mbungano yomwe eyo ya ka taleka Ijwi nkaambo katu nsiyansiya a tuyaniza. Zyoonse ii mba simamambi – mbuli banyina, mbuli mwanamusimbi.

Ino ci nooli cisubulo nzi ca sikuvuula a bana bakwe? Ee, ci yoo ba mu bubili. Lutanzi Wa kati, “Ndi yoo mu waalila i mu bulo.” Kweendelana a ku i cibeela camamanino ca kampango 22 bu nooli bulo bwa mapezi, na i mapezi mapati. Eco mbombubo Jesu mbwa kaamba muli Matayo 25:1-13. Kwakali basimbi bali kkumi. I bosanwe bakali basongo abosanwe bakali bafubafuba. Basongo bosanwe baka jisi mafuta (i Muuya Uusalala) pele i bamwi bosanwe tiiba kajisi. Ciindi loongololo ni lwa kaba, “Amubone simusa wa boola,” i bafubafuba bosanwe bakazuza ku yandula i mafuta mpawo banakalindui bosanwe basongo ba ka jila mu lukwatano. I bosanwe abo baka syaala aanze bakacaala i kuu mapenzi mapati. Eco nce ciyo ci tika kuli boonse i ba ta kainki mujulu mu ku kweempwa. Eco nce ci yoowida atala lya sibwaamu a bana bakwe basimbi. Lwabili, lyaamba kuti uu yoo bajazya antomwe a lufu na mbuli busanduluzi bwini bwaamba ikuti, “A ba bikkwe ku lufu antoomwe a lufu.” Oku i nko kwaamba kweenzu. Inga twaamba kuti, “amu leke muntu a bikkwe ku lufu kwiinda mu kwaangililwa, na kwiinda kumalaiti na inzila imwi iimbi.” Pele eci cilaamba, “Amu baleke babikkwe ku lufu kwiindamu lufu.” Lufu lwalo i ndo lupesya lufu lwabo. Lino ndi yanda kuti mu cibone eci antangalala a boobo ndi la bweza bupanduluzi bwesu alimwi bwa i mwana musimbi wa Jezebele wa kakwete i mu ng’anda ya Juda a moomo ku njizya bukombi bwamituni alimwi kucitya Leza kwaaba Juda ku lufu. Eci ncico Baalamu ncaa kacita, awalo. A boobo awa Jezebele wakali buhadeni bwakwe. Okuya ngu Juda kali mukukomba Leza kabotu a kupona kusi a Ijwi. A boobo Jezebele wakakwatya mwanaakwe musimbi kuli Joram. Ciindi nocaka citika eco, Joram wapa i kuti bantu babe basimituni. Ciindi olo lukwatano nolwa ka citika Juda

wakali fwide. Lufu lwakumuuya lwaka njila. Ciindi mbungano ntaanzi niyaka bakabungwe, ya kafwa. Ciindi eco bana Lutha nibaka bakabungwe, lufu lwaka njila alimwi ba kafwa. I bana Pentekoste baka boola amwi kumamanino alimwi baka bakabungwe. I Muuya wakazwa, nekuba kuti ta ba cisyomi. Pele wa kacita. Olo lukwatano lwakaleta lufu. Mpawo i mumuni wa Oneness i wa Buleza wakaboola. Baka bakabungwe elyo ba kafwa abalo. Mpawo nikwa kamana mulilo wa Leza wakawa aa Mulonga Ohio mu 1933 lukubulusyo lwa kuponya lwaka fumpa i nyika, pele tiilwakaboola kwiinda mu kabunga nekaba komwe. Leza wakazwa anze lya nkamu zya Pentekoste, aanze a kabunga, alimwi nca ya kuu cita ku ciindi ciza ci yoo ba aanze a kabunga, acalo. Leza takonzyi kubeleka kwiinda mu bafwive. Ula konzya ku beleka buyo kwiinda mu zizo ZYUUMI. Ezyo zizo zyuumi zili aanze a Babuloni.

A boobo mwabona, “Lufu” na “Kabunga” kakaboola, a mbungano ya kafwa, na ku bamba antangalala lufu lwakaba simuunzi omo kaindi kasyonto buyo BUUMI mbu bwakali kwendelezya. Mbuli Eva i mutaanzi mbwakaleta lufu ku mukowa wa bantu aboobo eno kabunga kaleta lufu, nkaambo kabunga i ngo kuzyalwa kwa babi bubili, Bananikolai a Banabaalamu, bwakapangwa a mukaintu musinsimi Jezebele. Lino Eva waa keelede kuumpwa antoomwe a nzoka nkaambo ka mucito wabo wa kali ku yoosya. Pele Adamu wakavuninina, waka mu bweza kulinguwe ca kufwambaana ku tegwa aka futulwa. Pele ciindi bukombi obu bwa Sataani nibwa keenda nzila iizwide ya makkalo, takukwe umwi oyo uu yoo vuninina, alimwi uu yoo umpwa antoomwe a sikucenga wakwe, nkaambo sikuvuula alimwi a bana bakwe alimwi a sikulwanakristo alimwi Saatani boonse ba yoo jana masena abo mu ziba i lya mulilo.

Mpoonya awa Ndi noo li jana kuba ku mbele lya ngu alimwi a mbweni Nde elede kuyobweda eci nkambo ka mulumbe wa bukkalo bwa mamanino, pele ku boneka kuba kabotu buyo kuci

bika mu kuti eno nkambo cibeleda antangalala loko antoomwe aa kabungwe eco ciyoocitika kwiinda muli ncico. Alimwi ndi yanda kumu cenjezya. Ciyubunuzyo 13:1-18, “Alimwi Nda kaima atala aa musenga wa lwizi, alimwi nda ka bona i cinyama cizwa mu lwizi, ca kali jisi mitwe iili musanu aibili ameja aali ikumi, alimwi atala ameja aakwe akali misini iili ikumi, alimwi atala aa mitwe yakwe akali zina lya busanke. Alimwi i cinyama nci nda kabona cakali kozyenye a siluwe, alimwi a zituta zyakwe zya kali mbuli zituta zyaa nengo, alimwi a mulomo wakwe wa kali mbuli mulomo waa mulavu; alimwi i simwaaba waka mupa inguzu zyakwe, alimwi cuuno cakwe alimwi abwaami bunji. Alimwi nda ka bona kuti umwi mutwe wakwe wa kali yasadwe ca lufu; alimwi ciyaso cakwe calufu caka ponesegwa: alimwi i nyika yoonse ya ka gambwa ku cinyama. Alimwi ba ka komba i simwaaba iwa kapa cinyama i nguzu: alimwi acalo cinyama bakaci komba, bakati, Nguni uu kozyenye a cinyama? nguni uu konzya ku lwana antomwe a ncico? Alimwi wa ka pegwa mulomo uu amba makani mapati alimwi aa zyakusanka; alimwi i nguzu zya kapegwa kuli nguwe ku zumanana myeezi i iili makumi one a yobile. Alimwi wa kaa samuna mulomo wakwe a kusanka Leza, aku saanka zina Lyakwe, alimwi akusanka ng’anda Yakwe, alimwi a baabo bakkala mu jululu. Alimwi wa ka pegwa i nguzu zya ku lwanya basalali, a kuba zunda: alimwi wa ka pegwa nguzu zya kweendelezya misyobo yoonse, a mikowa, a myaambo. Alimwi boonse i ba kkala aa nyika ba yoo mu komba, nkukuti abo ba ta jisi mazina aa lembedwe mu Bbuku lya Buumi lya Mwanambelele iwa ka jayidwe kuzwa ku matalikilo aanyika. I kuti muntu uli onse uujisi matwi, oyo a swiilile. Kufumbwa muntu uutola bamwi kubuzike alakwe mwini uyootolwa kubuzike: aa yooyo uu jazya ipanga alakwe uu yoo jayigwa ipanga mbu bonya. Mbuboobo mbulu boneka i lukakatilo lwa basalali a lusyomo lwabo. Alimwi nda ka bona cinyama cimbi cizwida i mu nyika; alimwi eci cinyama cakalijisi meja obile mbuli mwanambelele, pele kukwaamba cakali kwaamba mbuli simwaaba. Alimwi wa ka belesya i nguzu zyoonse zya cinyama

citaanzi ku nembo lyakwe, alimwi waka citya i nyika a baabo abo bakkala muli njiyo ku komba i cinyama citanzi, cili aa ciyaso caka ponesegwa. Alimwi cila cita zigambyo zipati, ca kuti cila panga mulilo ku boola ansi kuzwa kujulu aa nyika i ku meso aa bantu. Alimwi ca beena boonse abo i bakkala aa nyika i nkaambo ka yayo maleele aayo nge ca ka zumizigwa nguzu ku ci ta i mu i meso aa cinyama; ca ka bambila abo i ba kkala aa nyika, kuti ba lee lede ku cita cikozyano ca cinyama, eco ica ka yasidwe ipanga, pele alimwi cakapona. Alimwi caka pegwa i nguzu zya kupa i buumi kuli ceeco eco cikozyano i ca cinyama, kuti ii cikozyano i ca cinyama caambe koonse, alimwi a ku citya i kuti boonse iba ta kombi i cikozyano i ca cinyama bajayigwe. Alimwi wabacitya bantu boonse, nibaba baniini aba bapati, bavubi a bacete, bazyale a bazike, kuti balembwe bulembo ku maanza aabo aa lulyo, nanka ku nkumu zyabo: Alimwi akuti kutabi muntu uukonzya kuula nikuba kuuzya, cita oyo uu jisi i caando, naa i zina i lya cinyama, naa i mweelwe wa zina lyaco. Mbu boobu busongo. Oyo walo uu jisi maanu a bale i mweelwe i wa cinyama: nkaambo i ngo nguwe mweelwe wa muntu; alimwi mweelwe wakwe nje myaanda iili musanu aumwi amakumi aali musanu alimwimusanu aumwi.”

Eci candaano citondezya nguzu zya Mbungano ya Katolika ya bana Roma a ceeco nce yi yocita kwiinda mu kabunga. Amu yeeye oyu musaansa wa bubeji. Au lekelwe waambe i Zina lya Mwami, ula ci ta boobo buyo mu lweeno. Bweendelezi bwawo ta buli bwaa Mwami pele mbo bwa Saatani. Ula gola ca kumalekelo muku lizibya kumaninide antoomwe a cinyama. Sikuvuula uu kkwelede aa cinyama cisalala pyu cila tondezya cakwandaanya i nguzu zyakwe kuti ngu kaleza kanguzu (Saatani) alimwi kutali Leza wesu, i Mwami Jesu Kristo.

Mu kampango 17, ku la tondezya ca kwambilisisya kuti uyo oba a bweendelezi bumaninide bwa makwebo aa nyika, nkaambo kwiina muntu uukonzya kuula na kusambala kunze lya nguwe. Eci ci la lungulula mu ciyubunuzyo 18:9-

17 eyo iitondezyo kutola busena kwakwe antoomwe a bami, beendelezi, basambazi, boonse bala caku cita antoomwe a Roma alimwi makwebo.

Mu Ciyubunuzyo 13:14, tu la yiyi kuti cinyama caka mwaya koongelezya kwancico kwiinda mu cikozyano eco caka yakilwa nguwe. I cikozyano eco i ci pangidwe i ngu ecumenical council ya nyika-mbiizulwa, omo mukati mabungano oonse aatubungwe nkwa yooba antoomwe a bana Katolika ba Roma (bali mu ku cicita akwalo ino.) Ci la konzeka loko kuti lukamantano olu luyo boola i kutegwa luka imike i nguzu zya kkomunizimu. Pele mbo kunga kkomunizimu mbuli Nebuchadinezara ya bu sigwa atala kumpa i nyama i ya sikuvuula, Roma iyoo zundwa alimwi aku nyonyoonwa. Amu langisisye kuti kubusena boonse mbungano ya Buroma nkoyakaya, kkomunizimu yakatobela. Ci leede i kuba nzila eyo. Alimwi amu ndileke ndi mucenjezye ino, muta taliki kuyeeya kuti kkomunizimu ngu sinkondonyokwe alikke. Peepe munene. Ngu Mbungano ya Katolika a yalo, alimwi kwiindilila kuba obo.

Lino atu bale mu Ciyubunuzyo 13:1-4, alimwi akweezyanisya eci antoomwe a Ciyubunuzyo 12:1-5. Ciyubunuzyo 13:1-4, "Alimwi Nda kaimikila atala aa musenga i wa lwizi, ndakabona cinyama ka cibuka ku zwa i mu lwizi, cakalijisi mitwe iili musanu aibili ameja aali ikumi, alimwi atala ameja aakwe akali misini ili ikumi, alimwi atala a mitwe yakwe akali zina lya busanke. Alimwi i cinyama nci Nda ka boona cakali kozyenye a siluwe, a zituta zyakwe zya kali mbuli zituta zya nengo, a mulomo wakwe wa kali mbuli mulomo wa mulavu; alimwi i simwaaba wakamupa i nguzu zyakwe, a cuuno cakwe a bwaami bunji. Alimwi Nda ka boona kuti umwi mutwe wakwe wa kali yasidwe ca lufu; alimwi ciyaaso cakwe ca lufu cakaponese gwa: alimwi i nyika yoonse ya kagamba i ku cinyama. Alimwi ba ka komba simwaaba iwa kapa cinyama i nguzu: acalo i cinyama baka cikomba, bakati, Nguni uu kozyenye mbuli ku cinyama? Nguni uu konzya ku lwana antomwe a ncico?" Ciyubunuzyo

12:1-5, “Alimwi kwa ka boneka cigambyo cipati mu julu; ka kuli mwanakazi iwaka samide i zuba, alimwi wakalijisi mweezi kungsi amaulu aakwe, alimwi a mutwe wakwe wakali aamusini wanyenyeezi zili ikumi azibili: Alimwi oyo mukaintu wakalimisi a mwana wakalila, wakali mu kusunga, alimwi wakaciswa loko mukutumbuka. Alimwi kwaka boneka a cimwi cigambyo mu juli; alimwi kwaka libonya simwaaba mupati uusalalisya, wakalijisi mitwe iili musanu aibili ameja aali ikumi, a mitwe yakwe wakali aamisini iili musanu aibili. Alimwi mucila wakwe waka kwela i cipanzi catatu canyeyeezi zya ku julu, alimwi wa ka zi wisizya aa nyika: alimwi i simwaaba oyo wakaima ku nembo lya mwanakazi iwa kali kwaamba kutumbuka, ku kaambo ka kuti aa tumbuka buyo a alye mwana akwe. Alimwi wa ka tuumbuka i mwana mulombe, nguwenya uu yoo lela masi oonse a musako wa lubulo: alimwi oyo mwana akwe wakatolwa kujulu kuli Leza, a ku cuuno Cakwe.” Saatani a bukombi bwakwe Bwasaatani zyoonse zyobile zili mu zinyama eezi. Mu Ciyubunuzyo14, i cinyama eco cakayasigwa calufu pele ca kapona lubo ngu bulelo bwabuhedeni bwa Roma abo bakawa kakusaalwa kwa basikubwelebweza alimwi kuli ceeco bwa kasweekelwa nguzu kwa ciindi cisyoonto. Pele bwakabujana alubo mu Roma ya popu. Sena mwa cina na? I cisi ca keendelezya kwiinda muku pwayaula boonse alimwi cakaba bulelo bulaa nguzu loko butana zibidwe, kumalekelo bwakayasigwa ca ku lufu. Nguzu zyakwe zya ka mana cakunyama mbuli kweendelezya kwiinda kumpi a zimwi. Pele kungsi lya Constantine wa kajokela ku buumi, nkaambo Roma ya popu yanjila cabupyungi mu nyika yoonse, alimwi nguzu zyakwe nci maninizo. Ula belesya bami alimwi a basambazi alimwi mu bukombi bwakwe bu yoosya alimwi anguzu zyamali uli mukweendelezya mbuli kaleza ka bukkalo buno buliko. Akwalo ngu simwaaba oyo wa kaima kuli ndila ku nyonyoona mwana mulombe. Heroda waka sola ku jaya Mwami Jesu pele wakakakilwa. Kumane Jesu wakabambulwa aa basilumamba bana Roma, pele ino ulikwempedwe mu julu ku cuuno cabwami.

Lino kuya antoomwe eco nci Nda zwa kwaamba, a mwiibaluke cilengano ca Daniele. I cibeela camamanino i ca cikozyanyo, i nguzu zya nyika izya mamano zyakali mu zituta. Obo bwakali butale a bulongo. A mubone butale Mbulelo bwa ba Roma. Pele ino ta bu ci li butale buyumu. Bulongo buli sanganisidwe muli mbubo. Nekuba kuti nkobucili alimwi bu ceendelezya makani a nyika mu masi ciyanza cakulisalila amwi a nguzu zinji zya lunya. I mbungano yabu Roma ili mu cisi coonse. I li sangene kabotu muli mbubo boonse.

Amu leke ndi mupe cintu cimwi i ca butale alimwi a bulongo. A muyeeeye ciindi Khrushchev naka bbompa bbusu lyakwe aa desiki ku U.N.? Ee, kwakali masi osanwe aa kujwe a osanwe a kumbo. Krushchev wa kakanana i kwiiminina aa Kujwe alimwi Muleli Eisenhower i kwa Kumbo. Mu cina Russia, Krushchev ngu bulongo a Eisenhower caamba butale. I basololi bobile bapati i ba nyika, i tulolomi tobilo tupati i twa tende lya butale a bulongo, ba kali bambene. Tu li i mu mamano aa ncico coonse.

Mu kampango 4, lila buzya, “Ino nguni uu konzya kupanga nkondo antoomwe a cinyama?” Lino ku li mazina mapati amwi aa liko i mu nyika. Ku li zisi zyanguzu zimwi, pele ndyonya ino Roma iili mu kwiita lwiimbo. I pope uli mu cuuno ca namutekenya. Alimwi nguzu zyakwe zi yoo vula. Taakwe muntu uukonzya ku mulwiisya pe.

Kampango 6, “Mpawo wa kaa samuna mulomo wakwe a kusanka.” (Kwiisya i njisyo nje milazyo ya bantu, basikaiya, basikuli-sumpula, bayandisya misalo yaansi, bali jisi ciwa cabukombi pele nguzu zya mbubo bala zikaka.) Wa kasanka i Zina lya Leza — kucinca Zina elyo kuba bubande a kukaka ku cita bumbi.

Kampango 7, “Alimwi kwa kapegwa kuli nguwe i kupanga nkondo antoomwe a basalali.” Impenzyo — lufu ku basalali ba

kasimpe alimwi a boonse mu Zina lya Mwami mu kutegwa Zina lya Leza aku li sanku, akwalo mbuli mbuci bede mu Russia, nkaambo ka ceeco bukombi bwa Katolika ncobwaka cita kuya.

Kampago 8, “Alimwi boonse abo ba kkala aa nyika (abo bata jisi i mazina aalembedwe mu Bbuku lya Buumi i lya Mwanambebele i wa ka jayidwe i kuzwa ku matalikilo a anyika) ba yoo mukomba.”

Alumbwe Leza i mbelele ta zi ka mukombi. Onse muntu kunze lya basale beni ba yoo cengwa. Pele ta ku kwe no ba yoo cengwa. Nkaambo ba la limvwa i jwi lya Mweembezi alimwi bala Mu tobelu.

Lino nkabela, amubone eci, eco nco twa li kusoleka ku tondezya ndinywe. Eyi mbuto ya lufu eyo yaka talika mu bukkalo butaanzi—eyi mbuto ya kabungwe, ku malekelo ya komena a kuba cisamu omo muyuni onse uu sofweede mwa kkala. No kuba ku li taminina kwakwe i kuti ngu sikupa wa buumi, ngu sikupa i wa lufu. Micelo yakwe ngo LUFU. Abo ba la caabilo a nguwe bali fwide. Eci cianza ca mbungano ca nyika cipati eco cicenga nyika kuti muli nguwe momuli lufutuko lwakunyama alimwi alwakumuuya uleena alimwi a kunyonyoona makamu manji. Pele kutali buyo kuti ngu lufu muciiimo ca buntu, pele eci cilenge cibolede cifwide ci yooba lwaco ci bikkwa ku lufu antoomwe a lufu luli i ngo ziba lya mulilo. Oh, kuli bantu bayooziba eco ca mamanino aabo mbwa yooba kwiinda muku kkalilila muli nguwe. “Amu zwe muli nguwe, ku kaambo nzi ncomu yoofwida?”

LUCENJEZYU LWA MALEKELO

Ciyubunuzyo 2:23. “Alimwi abalo bana bakwe njo bajaya alufu; alimwi kuti i mabungano oonse aka zibe kuti Ndime Oyo uu lingula mu camba a mu moyo: nkabela umwi aumwi wanu Njo mwaabila mbu bonya mbwii bede i milimo yakwe.”

Leza uu langa aa moyo. Eco ta cina sanduka. Elyo taci ko yoo sanduka. Awa, mbuli kwiinda i mu makkalo oonse kuli nkamu

zyobilo, zyoonse ka zyaambilizya ciyubunuzyo cazyo kuzwa kuli Leza aluswaanano lwazyo kuli Leza. “Nekubaboobo i cisiko ca Leza ciliimvwi kasimpe, kacijisi caando eci, *I Mwami ulizi aabo bali mbe Bakwe.*” Wabili Timoteo 2:19. “I Mwami uu lingula zyamba.” I bbala ‘lingula’ lyaamba ku ‘kuvwima’ na ‘ku tobezya.’ Leza ula vwima miyeeyo yesu (zyamba); Ulizi eco ci li mu myoyo yesu. Ula bona milimo yesu iili nko kuyubuluka kwini kwa ceeco cikkede mu li ndiswe. Nku zwa ku moyo eco cizyalwa nanka mbululami na bubi. Zitupa kulilemenezya kwesu, makanze esu — oonse ali zibidwe kuli Nguwe mbuli Mbwa langilila mulimo oonse. Alimwi mulimo oonse, jwi lyoonse li yoo letwa mu lubeta ciindi ca kuli lungulwida buumi bwesu caa ku pegwa. Kwa kanyina buyoofu bwa Leza ku mbele lya musansa wa bubeji alimwi bayo cipangela. Amu leke abo boonse baita Zina lyakwe, bapone loko mbuli mbu beelede basalali. Inga twa cenga bantu pele ta tu ko yoosola ku cenga Leza.

Oyu Mulumbe aa Mukwesu William Marrion Branham, ulazina *Oyo Mwanakazi Jezebele*, wakagwisigwa kuzwa ku chapta Yabukkalo Bwambungano ya Tuatira yaa bbuku lyakwe lyazina *I Bupanduluzi Bwa Makkalo Aambungano Zili Musamu Azibili*, alimwi ulilembedwe mukati omu cakutagwisya kantu alimwi ulamwaigwa aa Voice of God Recordings.

CHITONGA

©2015 VGR, ALL RIGHTS RESERVED

I Milumbe mitanzi a Mukwesu William Marrion Branham yaka recordwa aa mateepu yamagnetiki, antoomwe yiinda ku 1100 iiliko. Bunji bwa zeezi nkambauko zili mucimo ca mabbuku, yakalembwa kakutakwe kugwisya kantu. I mateepu, makkompakiti diski, mabbuku, zipekupeku, zifotolo, alimwi amakani aambi alalugwasyo kujatikizya mulimo wakwe wa nyika-mbiizulwa nkwaali ku kulembela:

VOICE OF GOD RECORDINGS

P.O. Box 950, Jeffersonville, Indiana 47131 U.S.A.

www.branham.org

Kuzibya kwa nguzu zyakkopi

Nguzu zyoonse zilitaminidwe. Eli bbuku inga lyalembwa ku purinta yaku ng'anda ku kubelesya kwamuntu na kuvozegwa, kakutakwe kubbadelesya, mbuli cibelesyo ca kumwaisya Makani mabotu aa Jesu Kristo. Eli bbuku talikonzyi kusambalwa, kulembululwa muciiimo cipati, kubikwa aa webbusaiti, kuyobolwa mu ciyanza cakujokolosya, kusandululwa mu misyobo iimbi, na kubelesegwa kulomba lugwasyo lwa mali kakutakwe kuzumizigwa kulembedwe kwabumboni aa Voice Of God Recordings®.

Ku makani aamba na cakubelesya cimbi ciliko, walombwa kukwaba ku:

VOICE OF GOD RECORDINGS

P.O. BOX 950, JEFFERSONVILLE, INDIANA 47131 U.S.A.

www.branham.org